

Mohd Zulkifli Zainuddin
am@metro.com.my

Kuala Krai

Seorang guru Sekolah Menengah Kebangsaan (SMK) Mengkebang di sini, yang kudung kedua-dua kaki dan tangan kiri sejak lahir, pernah dikeji dan direjek layak menjadi pengemis jalanan saja.

Namun, ejekan itu langsung tidak mematahkan semangatnya untuk mengejar cita-cita dan berjaya seperti insan normal lain.

Mungkin sukar untuk membayangkan kehidupan Hashim Mohamad, 29, yang hanya menggunakan tangan kanan untuk bergerak dan melakukan aktiviti harian.

Pemuda orang kurang upaya (OKU) itu membuktikan dirinya tidak cepat mengalah.

Rutin harian Hashim seperti lelaki berkerjaya normal yang lain, malah tidak pernah sekali pun dia merasa kecacatannya satu kekurangan atau beban.

Lebih membanggakan, Hashim berasal dari Kampung Geriak Kangkung, Mengkebang di sini, pernah menerima Anugerah Guru Muda Aktif Daerah Kuala Krai tahun lalu atas pembabitannya aktifnya dalam bidang sukan di sekolah.

"Saya tidak pernah menjadikan kecacatan sebagai penghalang melakukan aktiviti atau mengejar impian sebagai pendidik berjaya, sebaliknya saya sentiasa tonjolkan dalam rutin seharian supaya ia boleh menjadi pedoman kepada golongan senasib.

"Tidak dinafikan, sehingga sekarang saya masih teringat kata-kata cacian segeintir masyarakat yang beranggapan saya hanya layak menjadi pengemis.

"Mulanya agak sedih, na-



HASHIM mengajar anak muridnya di SMK Mengkebang

Pendidik gigih sebelah tangan

■ Guru kudung pernah dicaci tak patah semangat kejar impian untuk berjaya

mun saya anggap itu sebagai cabaran untuk membuktikan mereka salah menilai saya, bermula apabila saya dinobatkan sebagai pelajar cemerlang peringkat kebangsaan Sijil Tinggi Persekolahan Malaysia (STPM) pada 2008," katanya.

Bermula dengan kejayaan itu, Hashim melanjutkan pengajian di Uni-

versiti Pendidikan Sultan Idris (UPSI) dengan mengambili jurusan Pengajian Malaysia selama empat tahun pada 2009 dan ditauliah menjadi Guru Bahasa Malaysia di SMK Mengkebang pada 2014.

Setiap hari dia ke sekolah dengan memandu Proton Preve yang diubah suai adiknya, Azmi, 26, supaya lebih mesra OKU.

Katanya, di sekolah dia menggunakan teknologi se-pemunya seperti komputer riba dan projektor sebagai kaedah mengajar di kelas.

Pihak sekolah menyediakan kelas khas untuk Hashim mengajar dengan menempatkan meja kaki pendek memudahkannya berkomunikasi dengan pelajar.

Katanya, dari kecil dia sudah diajar berdiskari dengan bergerak menggunakan tangan walaupun menerima kerusi roda elektrik sumbangan kerajaan negeri.

